

Morning Regional Dogri News Bulletin, 30th July 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. प्रधानमंत्री नरेन्द्र मोदी होर अज्ज विकसित भारत यात्रा बारे उद्घाटन सतह गी संबोधत करगंन।
2. क्वाड विदेश मंत्रिएं संयुक्त राष्ट्र आस्सेआ सूचिबद्ध नामित आतंकी गुटें खलाफ अंतर्राष्ट्रीय कार्यवाही करने दा आह्वान कीता ऐ।
3. सरकार नै वीडिजीएंग गी सैमी आटोमैकिट थेआरें कन्नै लैस करने ते होर गुप बनाने लेई आखेआ ऐ।
4. स्वच्छता पखवाड़ा तैहत जम्मू कश्मीर प्रशासन नै सफाई-सुथराई ते बूहटे लाने दी मुहिम शुरू कीती ऐ।

<><><><><><>

PM Budget Conference

प्रधानमंत्री नरेन्द्र मोदी होर अज्ज नमीं दिल्ली च केन्द्रीय बजट 2024-25 दे परेंत आले सम्मेलन "विकसित भारत आली बकखी यात्रा" दे उद्घाटन सत्र गी संबोधन करगंन। सम्मेलन दा आयोजन भारतीय उद्योग परिसंघ-सीआईआई आस्सेआ कीता जा'रदा ऐ। एहदा उद्देश्य विकास लेई सरकार दे व्यापक दृष्टिकरण ते इस लक्ष्य च उद्योग दी भूमका दी रूपरेखा तैआर करना ऐ, एहदे च उद्योग सरकार राजनयिक समुदाय सने 1 जहार शा मते प्रतिभागी हिस्सा लैंगन। एहदे इलावा मुलख ते विदेश दे मते सारे हिस्सेदार बकख-बकख सीआईआई केन्द्रें थमां जुड़गंन।

<><><><><><>

QUAD Terrorism

क्वाड मुख्खें दे विदेश मंत्रिएं नमीं तकनालोजी दा इस्तेमाल करने आले आतंकवादिएं गी चेतावनी दिंदे होई लशकरे तैयबा, जैशे मोहम्मद, अल-कायदा ते इस्लामिक स्टेट सनें संयुक्त राष्ट्र आस्सेआ सूकच बद्ध कीते जेहदे आतंकवादी गुटें खलाफ अंतर्राष्ट्रीय कारवाई दी मंग कीती ऐ। टोकयो च कल बैठक मगरा सांझे ब्यानै

च क्वाड मुलखें दे विदेश मंत्रिएं आखेआ ऐ जे ओह आतंकवादी मकसद आस्तै नमीं ते उभरदी तकनालोजी दे इस्तेमाल करी संभावित खतरे प्रति अंतराश्ट्रीय ते क्षेत्रीय साझेदारें कन्नै रलियै कम्म करने आस्तै वचनबद्ध ऐ। विदेश मंत्री डॉ. एस.जयशंकर अमरीका दे विदेश मंत्री एंटनर ब्लिंकन ते आस्ट्रेलिया दे विदेश मंत्री पेनी वॉंग याको कामी-कावा होरें संयुक्त राष्ट्र आस्सेआ सूचि बद्ध कीते गेदे सारे आतंकवादी गुटें खलाफ इक जुट होइयै कारवाई करने दा आह्वान कीता।

<><><><><><>

VDC Weapon

गृह मंत्रालय नै ग्राम रक्षा समूह दे भिंबरें गी दित्ती गेदी 303 बंदूकें गी सैमी आटोमैटिक थेआरें कन्नै बदलने ते वीडिजी च भर्थी गी मंजूरी देई दित्ती ऐ। एह्दे च खास तौर पर इलाके दे युवाएं गी तरजीह होग तां जे इलाके च आतंकवादिएं दी मजूदगी ते उंदी गतिविधिएं कन्नै निबड़ेआ जाई सकै। एह फ़ैसला किश खबरें जे वीडिजी भिंबरें पराने गीआरें जियां 303 कन्नै आतंकवादिएं दा मकाबला नेई करी सकदे की जे आतंकवादिएं कश अज्जै कल्लै दे थेआर होंदे न, जिंदे च एम-4 कारवाइन ते असाल्ट रैफल शामिल ऐ। सुरक्षा बलें आस्सेआ बी जंगल दे अलावा ऐसी थाहर पर अपने शिविर लाए जांगन जित्थें आतंकवादी गतिविधिएं दी मती शेंका बनी दी रौंहदी ऐ।

<><><><><><>

Lok Sabha

मुल्खै च इसलै स्टार्टअप्स दी गिनतरी 1 लक्ख 40 ज्हार होई गेदी ऐ। कल लोकसभा च सुआलें दे इलिखित परते च हुनर विकास ते उद्यमिता मंत्री जयंत चौधरी होरें आखेआ जे मानता प्राप्त स्टार्टअप्स नै 15 लक्ख प्रत्यक्ष रोजगार पैदा कीते न। उनें आखेआ सरकार नै 2016 ब'रे च स्टार्टअप इंडिया पैहलकदमी शुरू कीती ही, जेहदा मकसद मुल्खै च पूंजीनिवेश गी बधाने ते नमिएं तकनीकें दा इस्तेमाल करियै इक तगडी बवस्था ते माहौल तैआर करना हा।

<><><><><><>

Rajya Sabha

सरकार नै कल दस्सेआ जे प्रधानमंत्री स्वीनिधि तैह्त हुने तगर रेहडी फडी आलें गी 11 ज्हार 713 करोड रुपें दी दोहार राशि उपलब्ध कराई जाई चुकी दी ऐ। कल राज्यसभा च घरें-कोठें ते शैहरी मामलें सरबंधी मंत्रालय दे राज्य मंत्री तोखन साहू होरें लिखित परते च दस्सेआ जे 86 लक्ख 38 ज्हार रुपें दी दोहार राशि दित्ती गेदी

ऐ जेहृदे चा 31 लक्ख 73 ज्हार दोहार राशि मकाई दित्ती गेदी ऐ। मंत्री होरें दस्सेआ जे रेह्ङ्ग-फङ्गी आलें इस दोहार दी रकम कन्नै अपना बपार बधाया ते रपे-पैसे दिएं जरूरतें गी पूरा कीता।

<><><><><><>

JKSSB Arrest

जम्मू कश्मीर दी इक विशेष अदालतै जेकेएसएसबी सब-इंस्पैक्टर भर्ती 2022 दे पेपर लीक मामले च कथित तौर पर मुख् साजशकर्ता दी जमानत याचिका खारज करी दित्ती ऐ। अदालत नै आखेआ ऐ जे रपें पेसे दा हेर-फेर नां छड़ा मुख् दी माली बवस्था ते प्रणाली आस्तै सगुआं कुल संसारी सतह् दी अर्थबवस्था आस्तै इक गंभीर खतरा ऐ। आरोपी दी जमानत याचिका पर भ्रष्टाचार रोधी जम्मू दी विशेष न्यायधीश बाला ज्योति होरें आखेआ जे अदालत दी राय एह् ऐ जे जांच अजें जारी ऐ, एह्दे अलावा केई महत्वपूर्ण गवाहें थमां प्रवर्तन निदेशालय आस्सेआ पुच्छ-गिच्छ कीती जानी ऐ ते इस करी एह् याचिका सुनवाई योग्य नेई ऐ। हरियाणा दी रेवाड़ी थाहर दा रौहने आला मुख् साजशकर्ता यतिन यादव गी जम्मू दे प्रवर्तन निदेशालय नै इस म्हीने दी 24 तरीक गी रपे पैसे दे हेर फेर सरबंधी कनून दी अपराधिक दफाएं तैह्त गिरफ्तार कीता हा, इसले ओह न्यायिक हिरासत च ऐ।

<><><><><><>

Chief Secretary

मुख् सचिव अटल डुल्लू होरें आजादी आले ध्याड़े दे सरबंधै च 15 दिनें गतर चलने आले स्वच्छता पखवाड़े दी तैआरिएं दा जायजा लैने लेई इक बैठक लाई। एह् पखवाड़ा स्वतंत्रता दिवस आले दिन सम्पन्न होग। मुख् सचिव होरें डिजीटल ते जिला प्रशासन गी आखेआ जे इस प्रोग्राम च सारें दी शमूलियत गी जकीनी बनाया जा। उनें सच्छता पखवाड़े सरबंधी बक्ख-बक्ख चाल्ती दी गतिविधिएं च तालमेल ते लोकें दी हिस्सेदारी गी जकीनी बनाने लेई बी आखेआ। उनें एक पेड़ शहीदों के नाम प्रोग्राम गी सफल बनाने लेई आखेआ। जंगलात मैह्कमे नै दस्सेआ जे एक पेड़ शहीदों के नाम दे हिस्से दे तौर पर 6 सौ कार्यक्रम जिले भरै च करोआए जांगन। इस दरान शिक्षा इदारें, सरकारी दफ्तर, धार्मिक थाहरें, सैलानी थाहरें, पानी दे स्रोत आली थाहरें ते होर दुई सार्वजनिक थाहरें दी साफ सफाई गी जकीनी बनाया जाना लाड़चदा।

<><><><><><>

Amarnath Yatra

अज्ज श्री अमरनाथ यात्रिएं दा नमां जत्था 1 ज्हार 777 श्रद्धालुएं सनें जम्मू दे भगवती नगर यात्री निवास बेस कैप थमां श्री अमरनाथ जी दे दर्शन आस्तै कश्मीर घाटी रवाना होआ। 52 गड्डिएं च सुआर होइयै 1 ज्हार

142 मर्द, 254 महिलां, 3 न्याणे, 66 साधु ते 12 साध्वियां शामिल हियां। इंदे चा 377 श्रद्धालु बालटाल बेस कैंप आस्तै ते 11 सौ श्रद्धालु पहलगाम बेस कैंप आस्तै बडलै मुंह न्हरे 3 बज्जियै 25 मिंटे पर श्री बाबा बर्फानी दे दर्शन आस्तै अगडे बधे। अजे तगर 4 लख 65 जहार श्रद्धालुएं बाबा बर्फानी दे दर्शन कीते न। एह आंकड़ा पिछले बरे दे आंकड़े थमां बद्ध ऐ। 52 दिनें तगर चलने आली एह यात्रा 19 अगस्त गी रक्खड़ पुन्ने आले दिन सम्पन्न होई जाग।

<><><><><><>

Kishtwar(byte)

किश्तवाड़ जिले च इसलै चला'रदी सालाना मचेल यात्रा बवस्था आले एंगै सिर चला'रदी ऐ ते सैकड़ां बद्धे श्रद्धालु पवित्र मंदरै च मत्था टका'रदे न। मुखै दे बक्ख-बक्ख हिस्सें थमां 30 जहार 661 शा बीमते श्रद्धालु इसलै तगर माता रानी दे दरबारै च मत्था टेकी चुके दे न। कठुआ दे श्रद्धालु कण्व अबरोल होरें प्रशासन आस्सेआ कीते गेदे शानदार इंतजामे दी सराहना करदे होइ आखेआ जे एयर टैल-4^{जी} विशोटी तगर गडिडयां चलने जोग शिडकां, ऑनलाइन पंजीकरण, खाने ते रौहने दी बेहतर बवस्था सराहने जोग ऐ। उनें पूरे मुखै दे लोकें दा आह्वान कीता जे ओह श्री मचेल माता मंदरै च मत्था टेकन जरूर औन.....बाईट

<><><><><><>

Sawan Mahotsav

ऐतिहासक पंजवक्त्र महोत्सव मंदरें दे सौन महोत्सव अपने भक्ति आयोजनें कन्नै सब्बने दे दिलें पर ते आत्मा तगर लगातार अपना प्रीाह छोड़ा'रदा ऐ। सौन महोत्सव 2024 दी श्रृंखला दे इक हिस्से दे तौर कल भजन संध्या दे मौके पर मंदरै दे अहाते च इक बारी फही संगीत प्रेमी ते श्रद्धालु किट्ठे हाए। मन्ने परमन्ने दे कलाकारें अपनी कला दे प्रदर्शन कन्नै दर्शकें दा मन मोही लैता। प्रतिभाशाली पल्लवी दास घोष हुंदे भरतनाट्यम प्रदर्शन नै प्रोग्राम गी इक नमें मुकाम तगर पजाया। उंदी प्रभावशाली अदायगी ते भक्तिमय संगीत नै श्रद्धालुएं गी मंत्रमुग्ध करी ओड़ेआ। पंजवक्त्र महोत्सव मंदरै च सौन महोत्सव जम्मू दे सगगोसार सांस्कृतिक विरसे गी समारोह दे रूपै च मनाने दा इक मौका ऐ।

<><><><><><>

HADP Ramban

जिला रामबन दे नमें ब्लाकें च जिला नोडल अधिकारी होरें किसान संपर्क अभियान 3.0 गी शुरू कीता। एहदा आयोजन पूरे परराते कृषि विकास प्रोग्राम तैहत कीता गेआ। इस मौके पर सरकार आस्सेआ चलाई गेदिएं बक्ख-बक्ख स्कीमें बारे आम लोकें गी जानकार करने आस्तै फिल्में ते वीडियो राएं जानकार कीता गेआ।

करसानें गी राई-बाई, पशुपालन, भिड्ड पालन, बागवानी, भौर पालन, मच्छी पालन ते किरमकशी बारे जानकार कीता गेआ। बक्ख-बक्ख विभागें दे विशेषज्ञें इत्थें मजूद करसानें गी रोजगार दे मौके हासल करोआने आलिं स्कीमें बारे दस्सेआ। उनें करसान संपर्क अभियान दे बद्धोबद्ध फायदें हासल करने लेई करसानें गी एहदे च अपनी शमूलियत जकीनी करने लेई आखेआ ते हुनर विकास, भलेयां अज्जै कल्लै आलिं तकनीकें दे इस्तेमाल, नमिं संभावनाएं गी खोजने ते करसानी थमां मते शा मता मुनाफा कमाने दे गुर दस्से।

<><><><><><>

Olympics

अज्ज पैहिरस ओलंपिक च 10 मीटर एयर पिस्टल मिक्सड टीम मकाबले च भारत दी नशानेबाजी मनु भाकर ते सरबजोत सिंह होरें भारत गी दुआ तगमा दोआने आस्तै मैदान च होंगन। दौनें खडारिं 10 मीटर एयर पिस्टल मिक्सड टीम मकाबले दे कैह दे तगमे आस्तै अपनी थाहर पक्की करी लैती ऐ। अज्ज इंदा मकाबला दक्खन कोरिया दी ओ ये जिन ते ली वोन्हो कन्नै मकाबला करगंन।

<><><><><><>